

Firemon **Pas Por ai Firemonimbo sürü** **papimarandı**

¹ Firemon, sıhambo pas nda ro Por-anahı sürü paparıhandı sıhefi wandafı Timoti dıbo. Ro Sisas Kraısındı ratüpurı süngunambo karabusıyahe nımboamboanahı asu yıhoefı wandafı se ro-babıdı mamı ratüpurı ratüpurıyefı-rıhundeimb-anafı.

² Asu ro sıhefi rehi Afia-ane asu sıhefi wandafı Arkipas ai ro-babıdı ami nahurai Kraısındı ratüpurı ratüpurıyefı-rıhundeimb-ani asu Kraısındı nendı sıhafı worambe fandıhı-rıhundeimbı ranaheimbo amboanı pas nda sürü paparıhandı.

³ Ape God Adükarı Sisas Kraıs-dıbo ai sıheimbo moanı hıpoambofe hohoanımo asu ıgusüfo afurıfe kifeimbı hohoanımo ra mbısabınandür-amboane.

Firemon ai Adükarıimbo ıgusüfo parırühi
anıhondümbo-rırühani

⁴⁻⁵ Se Adükarıimbo ıgusüfo parıworühi anıhondümbo-rıworı arandı asu Godındı nendı ranaheimbo amboanı ıgusüfo parowandürı arandı hoafı ra hımborı-yahühanahı. Ranıimboanahı muıguambo sı ro Godıimbo dıdıbafıyahühi ra sıhambo hohoanımo-yahanınühi dükarıheanınühanahı asu ranıimbohünda ro wandı God ranahambo dıdıbafıyahando arıhandı.

6 Se ro-babidi anihondümböfe-rambo animbafi. Ranimboanahi asu ro Godimbo didibafiyahando arihandi sifahafi anihondümböfe ranai randeandani aboedi sifahafi ho-hoanimoambe tükümbifeyo sahehea. Siharri Kraibabidi animboefi asu raninambo ahandi-mayo munguambo aboedi moatükuni siharri masahumindefi ra se ndondo türüboadowandi sahehea didibafiyahando arihandi.

7 Karihasi wandafi, se Godindi nendi ranaheimbo ngusüfo parowandüri arandi ranimboane asu aheimbo ngusüfoambe nginiramindindüri arandi. Asu raninambo afindi hihifi-hihfiyahühi wandi ngusüfoambe afure akiaro.

Firemon ai Onesimusimbo wandafimboriri mbiserümandu-wamboane

8-9 Se mam moatükuni rambrowanda saheeamboanahi. Ro sishambo Kraisindi süngu randowandi randowandi-ndamboyahani ra yihimbokoate-anahisi, nga ngusüfo pefe hohoanimo rani-süngu sishambo düduweheanini. Sapo ro Por boagiri-yamboanahi asu ro Kraisindi fondühi ahandi hoafi semindi homböhündamboanahi, nga haponda ro karabusiyaheamboanahi. Nga asu ro sishambo ngusüfo pariheaninühi wamboanahi hiniingrou safi ndarthe hoafiyahanini.

10 Ro sishambo ndarthe düduweheanini Onesimusimbo-hündambo. Aiana wandi nimori hond-ani Kraisindi sünguna. Ro karabusiyahe nimboambo Kraisimbo anihondümböfe-fembo yamundimarhinani.

11 Horombo ana ai moai mamimbo amboanani sishambo aboedi farihenini rarani ratüpurini

ra, nga hapondan-ambe ana ai se-anafi asu ro-anahi sihehimbo aboedi ninini ratupuri fandihemunumbui.

12 Haponda ro ahambo sihambo sowana hihirihini koararihewini asu ai wandi ngusüfoahünd-ani.

13 Ro aboedi hoafi ra sahamindi hahabodihane ranihumbo wambo ndanihu karabusi-marundira animboahi. Ranimboyahi asu ro Onesimusimbo ndanihu kikhindühümindihani asu ai sihafi fondihu wambo mbifarhendira sahehea hohoanimoayahi.

14 Asu awi ro sihambo wambo farihefendirimbo huti-hutiyoninimbo ana moeisahi, nga moani wambo se randowandi mbisafan-animbo randiheamboyahi. Se sihafi hohoanimonambo refemboanahi randowandi asahi. Ranimbo ana, ro ngiri nini-moatükuni ninüngundihendi, nga nda wambo se randowandi mbisafan-animbo randiheamboyahi.

15 Ai sihambo akidou hiningi-mareanini, nga awi refeanasü asükai se ndowarindifani ai sedibo gedühi mbinüngu-wamboane.

16 Ai se-dibo moani ratupuriyu-randeimbi-yupoani, nga ngusüfo pariworeimbi wandafimbiyu-wamboane. Nga ra aboedi safane. Se yahurai ahambo ndowarindifi. Ro ahambo ngusüfo pararihini, nga sihambo ai moani ratupuriyu-randeimbi asu Kriasindi süngu sihafi wandafi kapeih-ani. Ranimbo se ahambo afindi safi ngusüfo pandiwori.

17 Nga asu wambo se sihafi wandaf-anahi asafindiri ana, asu mare yahurai-safi ahambo

amboani wandi wandafi mbisafindowohü hühindiwori.

18 Asu ai sihambo moaruwai hohoani-mo-yuninühi sihafi-mayo bidifiri moatükuni moani asemüdu ana, se süngunambo rani-moatükuni ranahambo wandi ndüri pando mbunda hoafindafindiri.

19 Ro Por wandi warinambo simbori saimbo moatükuni sürü parihe asiheheandi. Ro-animbo sihafi n-ne-moatükuni ai ramareandi ranimbo sihambo hihirindihe ndahaninimboyahi. Nga se wandi sünguyafi anihondumbo-rowandeimbi tükümefoandi rani-nambo se simbori wambo saimbo-aiyafi ranana sihafi fi niŋgo hohoanimo rananesi, nga asu ro ngiri ranahambo sihambo watapori-mbondihanini.

20 Nga wandafi, sihiri Adükari-babidi animboehi ranimboane asu se wambo hihifi-hihifindafindiri. Sihiri yibobo Kraisindi nindou-anehi, nga ranimbo-hünda se wandi ngusüfoambe ndondo kündowandürühi Onesimusimbo wandafi mbisafindowohü hühindiwori.

21 Se wandi hoafi himbori-ndamboyafi sahehea anihondumbo-riheaninühi pas nda sürü paparihanini. Ro haponda sihambo rani hohoanimo ra randowandi sahehea düduweheanini. Rani hohoanimo ra ngasüdo hawa asu aboedi adükari hamindi rani-poanimbo randowamboyafi sahehea fifiri-heamboanahi.

22 Awi ro sihambo mam hoafi ngorü hoafindahanini samboanahi. Asu se randowandühi wambo sihafi worambe fondi nafindihao hiniŋgindowandi. Nga ro fifiri-

heamboanahi God ai sihei didibafife ra himborindu haya asu wambo siheimbo sowana koandihendiri yahumboani.

Hihifi hoafi bidifiri

²³ Epafiras ai ro-dibo Sisas Kraisindi hoafi sungunambo karabusiyaho ndanihu animboehi ai sihambo hihifaranini.

²⁴ Wandi Kraisindi ratupuriyefi-rihundeimbi Mak, Aristakus, Dimas asu Ruk ai-amboani sihambo hihifarunini.

²⁵ Adukari Sisas Kraisindi-mayo moani hipoambofe hohoanimo ranai sihei ngusüfoambe mbimarondür-amboane.

Godind̩i Hoafi
The New Testament in the Angor language of Papua
New Guinea
Nupela Testamen long tokples Angor long Niugini

Copyright © 2001 The Bible Society of Papua New Guinea

Language: Angor

Contributor: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-01-07

PDF generated using Haiola and XeLaTeX on 18 Apr 2025 from source files dated 31 Aug 2023

c500d379-d0cf-5c22-9613-91d7bcc63af3